

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

«28» մարտի 2012թ.

N 173-Ն

ք.Ստեփանակերտ

ԿԱԶՄԱԿԵՐՊՈՒԹՅՈՒՆՆԵՐԻ ԵՎ ՖԻԶԻԿԱԿԱՆ ԱՆՁԱՆՑ ՀԱՐԿԱՅԻՆ
ՀԱՇՎԱՐՄԱՆ ՄԻԱՍՆԱԿԱՆ ՌԵՆՍՏՐԻ ՎԱՐՄԱՆ ԿԱՐԳԸ ԵՎ
ՁԵՎԸ ՀԱՍՏԱՏԵԼՈՒ ՄԱՍԻՆ

Հիմք ընդունելով «Կազմակերպություններին և ֆիզիկական անձանց հարկային հաշվառման վերցնելու և հարկային հաշվառումից հանելու մասին» Լեռնային Ղարաբաղի Հանրապետության օրենքի 5-րդ հոդվածի 3-րդ մասը՝ Լեռնային Ղարաբաղի Հանրապետության կառավարությունը **որոշում է**.

1. Հաստատել՝

1) կազմակերպությունների և ֆիզիկական անձանց հարկային հաշվառման միասնական ռենստրի վարման կարգը՝ համաձայն N 1 հավելվածի.

2) կազմակերպությունների և ֆիզիկական անձանց հարկային հաշվառման միասնական ռենստրի ձևը՝ համաձայն N 2 հավելվածի:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Ա. ՀԱՐՈՒԹՅՈՒՆՅԱՆ

Կ Ա Ր Գ

ԿԱԶՄԱԿԵՐԱԿՈՒԹՅՈՒՆՆԵՐԻ ԵՎ ՖԻԶԻԿԱԿԱՆ ԱՆՁԱՆՑ ՀԱՐԿԱՅԻՆ ՀԱՇՎԱՌՄԱՆ ՄԻԱՍՆԱԿԱՆ ՌԵԵՍՏՐԻ ՎԱՐՄԱՆ

1. Սույն կարգով սահմանվում է կազմակերպությունների և ֆիզիկական անձանց հարկային հաշվառման միասնական ռեեստրի (այսուհետ՝ միասնական ռեեստր) վարման կարգը:

2. Կազմակերպությունների և ֆիզիկական անձանց (այսուհետ՝ հարկ վճարող) միասնական ռեեստրը վարվում է Լեռնային Ղարաբաղի Հանրապետության հարկային մարմնի կողմից և ներառում հարկային մարմնում հաշվառված կազմակերպությունների ու անհատ ձեռնարկատերերի, անհատ ձեռնարկատեր չհանդիսացող ֆիզիկական անձանց հարկ վճարողների հաշվառման համարների տրամադրման և հաշվառման մասին տվյալների ամբողջությունը:

3. Միասնական ռեեստրի տվյալները վերաբերում են «Կազմակերպություններին և ֆիզիկական անձանց հարկային հաշվառման վերցնելու և հարկային հաշվառումից հանելու մասին» Լեռնային Ղարաբաղի Հանրապետության օրենքով (այսուհետ՝ օրենք) սահմանված կարգով հարկային մարմնում հաշվառված կազմակերպություններին և անհատ ձեռնարկատերերին, անհատ ձեռնարկատեր չհանդիսացող ֆիզիկական անձանց:

4. Միասնական ռեեստրի ներդրման և գործարկման նպատակով հարկային մարմիններն իրականացնում են՝

- 1) միասնական ռեեստրի տվյալների մուտքագրումը,
- 2) տվյալների փոփոխման դեպքում միասնական ռեեստրում համապատասխան փոփոխությունների կատարումը,
- 3) սույն կարգի 11-րդ կետով սահմանված դեպքերում տեղեկությունների տրամադրումը:

5. Հարկ վճարողը համարվում է միասնական ռեեստրում ներառված՝ հարկային հաշվառման կանգնելու օրը:

Հարկ վճարողը համարվում է միասնական ռեեստրից հանված՝ հարկային հաշվառումից հանվելու օրը, և հարկ վճարողի մասին տվյալները հարկային մարմնում պահվում են հարկային մարմնի ղեկավարի կողմից հրամանով հաստատված կարգով:

6. Միասնական ռեեստրի տվյալները ներառում են՝
 - 1) կազմակերպության լրիվ անվանումը կամ ֆիզիկական անձի անունը, ազգանունը.
 - 2) կազմակերպաիրավական ձևը, անհատ ձեռնարկատեր չհանդիսացող ֆիզիկական անձանց դեպքում «ֆիզիկական անձ» նշումը.
 - 3) հարկ վճարողի հաշվառման համարը (ՀՎՀՀ).
 - 4) կազմակերպության գտնվելու վայրը, ֆիզիկական անձի հաշվառման հասցեն և բնակության հասցեն, եթե այն տարբերվում է հաշվառման հասցեից.
 - 5) գործունեության իրականացման հասցեները.
 - 6) գրանցման (հաշվառման) և գործունեության իրականացման վայրի հեռախոսահամարները (լրացվում է առկայության դեպքում).
 - 7) գործունեության տեսակները (լրացվում է առկայության դեպքում).
 - 8) լիցենզավորման ենթակա գործունեությունների մասով դրանց տեսակները, ստացված լիցենզիաների համարները և տրման ամսաթիվը.

Նշված տվյալները համապատասխան իրավասու մարմինների կողմից տրամադրվում են հարկային մարմին՝ Լեռնային Ղարաբաղի Հանրապետության կառավարության որոշմամբ հաստատված կարգով:

9) բանկային հաշվի համարները.

10) պետական գրանցման (հաշվառման) համարը.

11) պետական գրանցման (հաշվառման) ամսաթիվը.

12) պետական գրանցում (հաշվառում) կատարող մարմնի (տարածքային ստորաբաժանման) լրիվ անվանումը.

13) կազմակերպության հիմնադիրների (մասնակիցների, անդամների, գործընկերների, բաժնետերերի) վերաբերյալ տվյալներ (ֆիզիկական անձանց դեպքում՝ անունը, ազգանունը, բնակության (հաշվառման) վայրը, անձնագրային տվյալները և հեռախոսահամարը, իրավաբանական անձանց դեպքում՝ կազմակերպության անվանումը, պետական գրանցման համարը և ամսաթիվը, ՀՎՀՀ-ն, գտնվելու վայրը), կանոնադրական կապիտալում (բաժնեհավաք կապիտալում, բաժնային ֆոնդում և այլն) հիմնադիրների (մասնակիցների, անդամների, գործընկերների, բաժնետերերի) ներդրումների չափը.

14) կազմակերպության գործադիր մարմնի ղեկավարի (տնօրենի) անունը, ազգանունը, հասցեն, անձնագրային տվյալները և հեռախոսահամարը, անհատ ձեռնարկատիրոջ կամ անհատ ձեռնարկատեր չհանդիսացող ֆիզիկական անձի անձնագրային տվյալները և հեռախոսահամարը.

15) կազմակերպության գլխավոր հաշվապահի անունը, ազգանունը, հասցեն, անձնագրային տվյալները և հեռախոսահամարը.

16) հարկային հաշվառում իրականացնող ստորաբաժանման լրիվ անվանումը.

17) հարկային մարմնում հաշվառման ամսաթիվը:

7. Միասնական ռեեստրը վարվում է էլեկտրոնային եղանակով:

8. Միասնական ռեեստրում մուտքագրված՝ «Հարկային ծառայության մասին» Լեռնային Ղարաբաղի Հանրապետության օրենքի 4-րդ հոդվածի համաձայն հարկային գաղտնիք հանդիսացող տեղեկությունների օգտագործման, տրամադրման և հրապարակման դեպքերը սահմանվում են Լեռնային Ղարաբաղի Հանրապետության օրենսդրությամբ:

9. Իրավաբանական անձի գործունեության վայրի փոփոխման կամ ֆիզիկական անձի բնակության վայրի տեղափոխության դեպքում միասնական ռեեստրում կատարվում է գրառում նրանց տեղափոխման վերաբերյալ՝ հիմք ընդունելով հարկային պետական ծառայության պետի հրամանը՝ հարկ վճարողի հաշվառումը մեկ հարկային մարմնից մեկ այլ հարկային մարմին տեղափոխելու մասին:

10. Միասնական ռեեստրում պարունակվող տվյալները օգտվողներին տրամադրվում են նրանց գրավոր հարցման դեպքում՝

1) կազմակերպության կողմից հարցման դիմում ներկայացվելու դեպքում (դիմումը պետք է կնքված լինի, և պետք է նշված լինեն կազմակերպության անվանումը, պետական ռեգիստրի վկայականի համարը, ՀՎՀՀ-ն), եթե հարցումը վերաբերում է տվյալ կազմակերպությանը.

2) ֆիզիկական անձի կողմից հարցման դիմում ներկայացվելու դեպքում (հարցման դիմումում պետք է նշված լինեն հարկ վճարողի անունը, հայրանունը, ազգանունը, ՀՎՀՀ-ն կամ սոցիալական քարտի համարը (դրա առկայության դեպքում), եթե հարցումը վերաբերում է տվյալ ֆիզիկական անձին.

3) սույն կետի 1-ին և 2-րդ ենթակետերում չնշված դեպքերում ֆիզիկական և իրավաբանական անձանց մասին տվյալները տրամադրվում են «Անհատական տվյալների մասին» Լեռնային Ղարաբաղի Հանրապետության օրենքին համապատասխան.

4) հարկային ծառայության համապատասխան աշխատողներին ծառայողական նպատակներով՝ Լեռնային Ղարաբաղի Հանրապետության կառավարությանն առընթեր հարկային պետական ծառայության պետի հրամանով.

5) այլ մարմինների հարցման դեպքում՝ օրենքով նախատեսված դեպքերում:

11. Տվյալները տրամադրում են՝

1) սույն կարգի 10-րդ կետի 1-ին, 2-րդ ենթակետերում նշված դեպքերում՝ հաշվառող հարկային մարմինը.

2) սույն կարգի 10-րդ կետի 3-րդ, 4-րդ և 5-րդ ենթակետերում նշված դեպքերում՝ վերադաս հարկային մարմինը:

Դիմումում նշված տվյալները կամ դրանց բացակայության դեպքում՝ համապատասխան հաշվառում չվարելու մասին տվյալները դիմումատուին տրամադրվում են գրավոր՝ ոչ ուշ, քան դիմումն ստանալուց հետո՝ հնգօրյա ժամկետում:

**ԼԵՈՒՆԱՅԻՆ ՂԱՐԱԲԱԴԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ**

Ա. ԱՎԱԳՅԱՆ

**ԿԱԶՄԱԿԵՐՊՈՒԹՅՈՒՆՆԵՐԻ ԵՎ ՖԻԶԻԿԱԿԱՆ ԱՆՁԱՆՑ
ՀԱՐԿԱՅԻՆ ՀԱՇՎԱՌՄԱՆ ՄԻԱՍՆԱԿԱՆ ՌԵՇԵՍՏՐ**

_____ (կազմակերպության լրիվ անվանումը կամ ֆիզիկական անձի անունը, ազգանունը)

_____ (կազմակերպատիրավական ձևը)

_____ (կազմակերպության գտնվելու վայրը, ֆիզիկական անձի հաշվառման և բնակության վայրի հասցեները)

_____ (գործունեության իրականացման հասցեները, հեռախոսահամարները)

1) _____ 2) _____ 3) _____
(գործունեության տեսակները (լրացվում է դրանց առկայության դեպքում)(ծածկագիրը)

1) _____ 2) _____ 3) _____
(լիցենզավորման ենթակա գործունեության տեսակները)

1) _____ տրվել է _____ 20 թ., դադարեցվել է _____ 20 թ.
(լիցենզիայի համարը)

2) _____ տրվել է _____ 20 թ., դադարեցվել է _____ 20 թ.
(լիցենզիայի համարը)

1) _____ բանկային հաշվի համարը

2) _____ բանկային հաշվի համարը

_____ և _____ 20 թ.
(պետական գրանցման (հաշվառման) համարը) (գրանցման (հաշվառման) ամսաթիվը)

_____ (պետական գրանցում (հաշվառում) կատարող մարմնի (տարածքային ստորաբաժանման) լրիվ անվանումը)

Կազմակերպության հիմնադիրներ (մասնակիցներ, անդամներ, գործընկերներ, բաժնետերեր)

1) _____
(ֆիզիկական անձանց դեպքում՝ անունը, ազգանունը, բնակության (հաշվառման) վայրը, անձնագրային տվյալները)

2) _____
և հեռախոսահամարը, իրավաբանական անձանց դեպքում՝ կազմակերպության անվանումը, պետական

3) _____
գրանցման համարը և ամսաթիվը, ՀՎՀՀ-ն, գտնվելու վայրը, ներդրումների չափը)

_____ (կազմակերպության գործադիր մարմնի ղեկավարի (տնօրենի) անունը, ազգանունը,

_____ կազմակերպության գործադիր մարմնի ղեկավարի (տնօրենի) հասցեն, անձնագրային տվյալները

_____ (նաև անհատ ձեռնարկատերերի կամ անհատ ձեռնարկատեր չհանդիսացող ֆիզիկական անձանց), հեռախոսահամարը)

_____ (կազմակերպության գլխավոր հաշվապահի անունը, ազգանունը, անձնագրային տվյալները,

_____ հասցեն, հեռախոսահամարը)

Հաշվառման է վերցված _____ հարկային մարմնի կողմից՝ 20 թ. _____ -ից: